

齋

物

論

齋

詞

齊物論齋詞目錄

武進董士錫晉卿

菩薩蠻六首

擬溫飛卿

河傳

南浦秋燕同金朗甫作

破陣子

水龍吟送春

蝶戀花二首

六州歌頭秋荷

木蘭花慢武林歸舟中作

賀新郎喜梅花開賦

醜奴兒慢春雨

摸魚兒二首

綠意

哨徧

霓裳中序第一己未秋感事

湘春夜月二首秋海棠

南鄉子

浣溪紗

粉蝶兒

一翦梅

菩薩蠻二首

長亭怨慢感逝有作

金縷曲

菩薩蠻五首

阮郎歸六首胡蝶次憚兼塘韻

相見歡二首

暗香庭中桂華盛開因憶往歲偕亡友江安甫吳山之游感賦此

疎影前題

暗香題莊達甫先生攝山採藥第一圖

高陽臺舟行淮陰道中作

鶯啼序爲劉芙初賦事

南浦聞雁

鳳樓梧

滿庭芳

送周筠雲出都

前調

寄題莊達甫先生攝山採藥第二圖

前調

題莊傳永印譜

前調

夢江安甫

水龍吟

吟寒食

前調

清明

前調

瓶中桃花

前調

門上柳枝

齊天樂

燈花

前調

鏡屏

前調 荆臺扇

前調 斑竹書架

風流子

滿庭芳

八聲甘州 送劉美初陸邪生歸里

漢宮春 茗柯先生輓詞

風入松 感逝

四闋竹 前題

高陽臺 前題

青門引

木蘭花

金樓曲

伯黃古愚遊虞山飲中賦圖

翠樓吟

疏影

題劉簡田故山紅樹圖

南浦

題錢獻之歸漁圖

水龍吟

題黃心菴來禽館填詞圖

木蘭花慢

寒夜甚雨有作

八六子

寒衾

鳳簫吟

題柴蓮裝繡鳳圖

霜天曉角

湖上送別

菩薩蠻三首

前題

壽樓春

題何夢華壽華樓圖

山花子二首葉小鸞眉子研

揚州慢有贈

金縷曲題張晴厓聽香圖

洞仙歌贈徐生

齊天樂送人之處州

長亭怨慢新竹和周保緒四首

疏影風竹

南浦晴竹

高陽臺雨竹

江城子

風入松題畫

相見歡

立秋

點絳脣

虞美人

惜紅衣

解連環

大酺

秋雨

南歌子

新齊

浪淘沙慢

江樓晚望

綠意

題僧彌本小祿天菴圖

六州歌頭

平山堂送費仲符北行用宋韓元幹韻

揚州慢

題周崑生印譜

百字令

題阮梅叔珠湖漁隱圖

洞仙歌

焦里堂得不名之曰勁雲爲圖索題

憶舊遊

暮春感懷

金縷曲

雪霽夜寒挑燈感賦

蝶戀花三首

記夢

金縷曲

題天女散花圖

綠窗

題清樽翠袖圖

摸魚兒

題袁蘭邨倉山月話圖

浣溪紗二首

齊天樂

題袁蘭邨續倉山月話圖

前調

題王淩江開看兒童捉柳花圖

踏莎行

題王菱江種紙圖

憶舊遊

題清風驛壁

臨江仙

題富莊驛壁用壁間元韻

更漏子

題仕女圖

惜紅衣

吳伶何桂畫秋海棠

醜奴兒慢

何桂畫芍藥

金縷曲

二首 韓齋讀戲嬰仕女

憶舊遊

寄題落花人獨立微雨燕雙飛卷

望海潮

送春

燭影搖紅

憶春

疏影

月戲拈東坡三部樂首句作泥

更漏子

題畫

摸魚兒二首

秋萍

八聲甘州

題胡韞山援琴作涼月圖

三姝媚

感興寄方彥聞

探春慢

楊花

蘭陵王

江行

祭天神

雨夜泊荻港

鶯啼序

對雨

齊物論齋詞

武進董士錫晉卿

菩薩蠻

僊溫飛卿

丙辰

里中作

綺羅香透烟光薄。綠雲低護深深幕。蘭蕊又開時。多情春滿枝。玉簫花下弄。引起雙么鳳。翠羽影翩翾。錦屏瓊珮連。柳絲飄拂珍叢碧。簾旌不卷垂朝夕。鎮日綠陰中。未妨情緒濃。池邊人比玉。照水鴛鴦綠。覆地繡羅囊。從今別樣新。流鶯喚夢人。初覺畫簷朱樹新。飛掠蓮漏不聞聲。曉天星半明。可憐春晝永。春思悄悄靜。寂寞繡簾開。雙雙燕子來。一庭月影玲瓏白。游絲飛過渾無迹。纖縷拂柔枝。撩人故冒衣。蒼苔風定處。點點浮零露。不覺暗愁生。春寒特地輕。

春風盡日敲簷馬金鈴聲小枝低亞始信別離難淚花雙袖
寒山頭雲似雪眼底人如月門外碧波連畫橈飛鏡天

鸞篋夜冷停清曲鳳珠一寸銷銀燭梁上月流明悠悠蝶夢
輕闌邊空佇立露氣霑衣濕此度見梅花懷人天一涯

河傳

簾

丁巳

徽州作

湘竹搖綠一絲絲風濛波移故遲雨中隔烟看轉迷年時卷
簾春未歸銀蒜沈沈深押夜階下拜新月如鈎挂燕穿櫺
櫺外聲半明綠窻人夢驚

南浦

秋燕同金明甫作

樓香正穩早霜花點點到重門好夢和愁都醒別恨又紛紛
消得淒涼多少便判他一度一傷神只憐伊岑寂湘簾深押

獨自倚黃昏
容易芳春催暖向天涯
烟月問王孫
怎奈朝風暮雨處處鎖愁魂
此去舞衣飄盡怕重來
憔悴不勝春筭斑斑淚濕雙襟
猶染舊啼痕

破陣子

戊午里中作

落日層雲半擁晚霞高
樹全粘時候恰看殘雪地花信方逢
正月天未挑紅杏帘薄醉好扶人困峭寒還帶風尖卷起
芙蓉雙綺幔放得嬋娟滿
蠶簾夜深香自添

水龍吟

送春

東風夢裏歸來醒時已是春將晚
芳菲吹盡年華只似水流雲卷
點點深苔芊芊細草望中都滿
便多情縱有游絲千縷綰不住殘春轉
送得殘春去也鎖淒清廢池空館爲伊消

瘦可還知道者番愁怨爲語空枝粘將飛絮留春一綫莫教
他多少柔情都付與閒庭院

蝶戀花

蝶

風濤簾旌閒不卷胡蝶飛飛隨意游芳苑又是一年春過半
鷓鴣啼徧垂楊岸不住游蜂春意亂花底紛紛攢盡斜陽
院好夢醒時都不管怪來小徑香塵滿

嫩綠嬌紅隄上路瘦損腰肢可被愁牽住生就輕盈誰與護
無端消盡枝頭露簾外飛花牆外絮底事韶華容易匆匆
去芳草天涯情萬縷從今化作相思句

六州歌頭

秋荷

徽州作

西洲風起霞鎖綠波閒東君去留餘意未闌珊尙爭妍彷彿

年時地芳草外垂楊下濃烟裏青萍上鬪嬋娟只是金商信
早南塘路秋水瀟瀟三三更風露夜夜到川前顚顚容顏竟
誰憐昔相逢處清溪岸朱橋畔傍闌干凝笑靨舒愁黛兩
嫣然恁今年往事難重憶香零亂不堪看容易醒相思夢恨
連綿錦浪鴛鴦廿六溫柔意不到伊邊漸高樓望斷愁思又
粘天漠漠輕寒

木蘭花慢

武林歸舟中作

看斜陽一縷剛送得片帆歸正岸繞孤城波回野渡月暗閒
堤依稀是誰相憶但輕魂如夢逐烟飛贏得雙雙淚眼從教
淚盡羅衣江南幾日又天涯誰與寄相思悵夜夜霜花空
林開徧也只儂知安排十分秋色便芳菲總是別離時惟有

醉將醺醖任他柔櫓輕移

賀新郎

喜梅花開賦

己未

里中作

細雨飄芳徑借東君一天風味將春喚醒花信廿番從頭數
報道梅英又迸恠簾外浮來香冷漸向空枝輕輕吐是霜華
銷剩玲瓏影綽約致帶烟暝無聲明月遙相映照中庭池
塘小小團團雙鏡千疊瓊雲春搖漾夢徹燕梁桃井風過也
驚魂未定金屋安排知何處但回頭六曲闌干靜綢繆意有
誰省

醜奴兒慢

春雨

晶簾不卷鎮日濛濛飛濛把一片惜花心事深鎖寒窗試問
春魂愁來可似雨絲長何會言語惟將紅淚灑徧迴廊點

點落英阿誰是主零亂池塘恁容易三春未過負了年光莫
恠飄流若爲洗去近時收東風無賴頻吹暗濕助我淒涼

摸魚兒

射蟬紗幾橘紅日芳魂何處狼籍天涯識得春如縷牽到相
思千尺情脉脉似寶篆烟絲香裊渾無力夢回細覓還只在
心頭舊愁新恨厯亂不堪憶 淚霑臆閒向銀牀欹側樓高
佇望消息而今爾許纏綿意都是代伊珍惜春寂寂筭知道
春心一樣情無極莫教虛擲恰過了春分良辰三五取次又
寒食

前調

正良宵匆匆又別柔情都對誰說殷勤一晌相憐意併做者

番鳴咽心鬱結但立盡斜陽望斷遙天濶離懷騷屑更絮影
絲痕和將香霧送我恨千疊簫聲徹已近清明時節樽前
誰慰淒切東風解得相思苦不到落花如雪憂未歇只裊裊
幽魂長共春飛越倚闌愁絕索下了簾旌曲屏深處坐待舊

時月

綠意

晚風離落正扇紈掩映殘妝新浴惟有春心比似儂心早又
滿庭穠綠銷魂一霎殷勤淚便看做明珠千斛薔薇謝了多
時不解伴君幽獨芳艸從今難問儘惆悵倦倚黃昏修竹
人也無眠月也無眠影透夜涼簾箔柔情半縷來還去暗繞
徧屏山六曲但憑教坐徹清宵片片白雲如玉

哨徧

春雨絲絲秋月絲絲都爲離人瘦甚情緒簾影又絲絲一樣
來做儂永畫燕譜恨聲鶯歌哀曲好夢還依舊早繞遍園亭
離前門外多少新蒲細柳待倚闌默與訴相思柰花工漂泊
天涯久莫憶前生牛年零落已難消受漫說道東君去後
芳草今如繡遊絲隔斷楊花飛散空回首縱有朱旛便教護
取也被西風吹透者榴枝絳蕊蓮根紅藕到千番清露與殘
烟筭賸得傷心時候吁嗟往事休論分付小齋杯酒閒情無
賴復添傷愁總是暗愁頻逗向斜陽灑遍啼痕倩誰邀封姨
相守

霓裳中序第一

己未秋感事

長條手自折，綰作同心金。縷結欲寄斜陽天，未怡霧冷風晴。
素空難接，幽魂飛越百曲玲瓏，到瑤闕。淒涼也，前身應是一片玉樓月。
休說舊懷，騷屑筭都來夢中輕別。篆香簾影重，疊掠削春雲，嬌髻如葉，寶匳花似雪。
又惱亂雙雙蛺蝶，江南好，橫塘十里，回首正愁絕。

湘春夜月

秋海棠

傍苔堦，脂痕低蹙，紅霞只者幾縷。幽魂芳思正交加，怎又風
風雨雨，算儂家度了惆悵年華。更霜侵遙夜，烟籠秋晚，別是
天涯。淒涼無那人歸，荒逕雁去平沙。休問花工，便留得三
春夢影，難繫香車。新來顚顚較當時一樣堪嗟。消受損鎮闌
干，獨倚玉樓，何處水隔山遮。

鎖閒庭數行粉暈交侵恰恨翠冷香消無處問秋心多謝斜
陽一縷把連宵芳信約住花陰是相思紅淚飄零衰艸往日
羅衾金鈴勤護從教付與小院深沉明月簾前纔蕩得枝
枝瘦影到了而今西風過也更知他幾度難禁細看取算還
應比似湘江斑竹點染空林

南鄉子

庚申

香霧濕冥濛吹透青山百萬重都道新來花事好春容一例
輕陰薄雨中斜日又聞鐘飛絮樓頭帶落紅滿地殘英深
不掃簾櫳燕子歸時夜夜風

浣溪紗

細雨催人却下簾瓶花瘦損共厭厭繡羅衫子懶教添雙

鬢已迷鸞鏡影一春都隔鳳鞵尖此情耐可爲開面
粉蝶兒

記昔時長自來小園凝坐亂紛紛雨堆雲顰拂花梢猛聽得
玉釵飛墮却回頭春色二分纔過知何時又贏得夢裏愁
鎖但從他醉眠閒卧是秋心都一例把愁揉和更聲聲杜宇
夢兒驚破

一剪梅

昨夜春魂度玉關風也無端雨也無端砧聲催起舞衣閒簾
底生寒袖底生寒花信匆匆半已殘秋入眉山愁入眉山
餘情還待五更看月滿闌干淚滿闌干

菩薩蠻

多時不入閒庭院隔花記取年時見春色到人間杜鵑紅滿
山一衾寒夢覺碎聽東西玉憶起別離情柳風吹曉星
陌頭楊柳迎朱戶護花人合花間住小院月如銀輸他枝上
春刀頭刀未折山外山空碧將淚置香裾一雙明月珠
長亭怨慢感逝有作

又催動傷離情緒逝水年華暗教輕誤莫憶天涯長空回首
欲飄絮海棠開早待不到斜陽暮多少落花風珍重也相思
一縷何據筭憑闌悵望賸有新愁無主踏青春晚更休說
鳳鞵歸路千萬點細雨聲中好分付飛紅來去只落得綠陰
深裏烏啼樹樹

金縷曲

桓大司馬曰昔年移柳依依漢南今看搖落淒愴江
潭樹猶如此人何以堪予有感焉

夢斷東風緊怎消他深晴淺雨幾番芳信惆悵人生歡會少
空有相思難問試看取落英殘粉宛轉嬌紅辭林去筭傷心
無奈黃昏近蜂與蝶又相趁天涯漂泊休重論但匆匆年
時別意訴將難盡記得蒼苔攜手處一樣屐痕低印還自把
花枝細認花解憐儂今顚顚更何人知我三春恨憑燕子逞
輕俊

菩薩蠻

瑤臺十二仙山界碧雲舒卷琉璃夜三月浪花高慣餐青玉
桃偶來天子宴香餞靈飛殿侍女董雙成吹簫王子登
無端種就相思子芙蓉泣露葳蕤死急雨暗人間瓊樓盡日
閒絳河長隔絕鳳輦辭金闕惜別暗傷神幾回天上春

水晶簾卷珍珠絡烟蘿却入仙人屋無事買花鈿春風自在
年博山紅燼小鎮日絲痕裊金縷繡鴛鴦開匳步步雙
生成只合山中住山頭昨夜飛輕霧七寶鈿花車春遊到處
家綠閨閒佇立簾底疎風入吹散午塵空軟香零亂紅
安期海上調雙鳳天涯一覺牽情夢銀漢碧波遙還來盪畫
橈寶釵鸞鏡影回首分明省洞口月明多年年堆綠蘿
阮郎歸

胡蝶次憚蕪塘韻

前身合是楚宮腰纖痕葉底描花房月榭任招搖經過春思
饒楊柳外聽鶯簫紅英剗地飄無端風雨更朝朝驚魂幾
縷消

尋芳伴侶太嬌憨花間過兩三生綃團扇六銖蠶撲來珠露

甘香州恨且教含應憐入畫探影兒偏許傍燈龕一牀清夢酣

疎枝爭耐五更風非關顚顚儂天涯回首暮雲空雙雙飛絮中曾記取舊遊蹤薔薇滿院紅花心不與釀春容儂心若箇同

紫衣隊裏鬪風鬟輕颺綽約寒輸他梁燕語刀環相將憶海山嬌舞罷意方闌憐伊繡翼單羅浮幾日夢魂閒好乘風露還

紅樓高與白雲齊笙歌一片迷彎環閒繞鳳城西斜陽處處低聊閃閃故飛飛春人看已稀黃衫寶馬錦障泥少年遊冶歸

隋堤堤上艸青青多應化了螢阿儂癡小愛潛停他時見幾
星雲作幔石爲屏新秋耐可經看花一例付金鈴約儂來

歲聽

相見歡

西風夜入層城做秋聲幾日爲花惆悵到三更江南路淒
霏雨最關情却是天涯芳草一時生

花驄踏遍香街錦鞦斜笑向吳姬沽酒拔金釵芙蓉面羅

紈扇總堪誇慣唱秋風疎柳更誰家

暗香庭中桂華盛開因憶往歲偕亡友江安甫吳山之游感賦此

廣寒舊影想故人去後秋山塵冷滿地綠陰暗憶招涼步芳
徑前度題襟未遠空回首相思誰省早付與酒醒黃昏和月

帶烟暝夜永正寂靜算只有亂蛩還共淒咏風簾露井飛
入疎香伴清境無奈華年似水殘夢斷金波千頃便取次開
遍也舊游難證

疎影

前題

香林映月有黃英數樹金粟重疊見說亭皋斜倚晴空依稀
此地離別西風一夜牕前度乍變了霜痕葉葉是耶非吹到
空山已誤再來時節堪笑年年顚顚鬢絲換幾縷長共愁
絕自是花工解釋秋情染就千枝絳雪明朝試與簪花去怕
滿鏡星星華髮莫等閒消受黃昏斷送玉顏香骨

暗香

題莊達甫先生攝山採藥第一圖

辛酉

江山佳處正月明萬壑幽人會住拂散緇塵暫託長生作仙

侶誰問巖前小草還迷了玉驄歸路筭只有石鼎香鋤閒伴
雅遊去羈旅慢延佇任白首松雲高卧烟雨黃精未老刷
盡青苗總無數長恨商山會遠空回首采芝前度但彷彿棲
隱事有人記取

高陽臺

舟行淮陰道中作

雪冷春沙風飄夜雨天涯消受孤征細草平堤片帆又去高
城相思望斷長淮路漸清愁和月俱生那堪他酒入離腸水
帶離聲傷心暗數年時恨早輕拋別緒欸賦柔情夢裏依
依幾番吹蕩心旌金闥自是多惆悵到而今一例無憑但蕭
然遠樹千重寒柝三更

鶯啼序

爲劉芙初賦事

京師作

枝頭數聲鶯語記濃春未晚歲華好多少柔情付與來去雙
燕柳棉繞斜陽渡口晴絲隔樹玲瓏現怎知他芳艸天涯翠
紅零亂花落蠶叢暮靄凝紫又離愁不展掩羅幃淚粉偷
彈子規啼徹幽怨最無端風簾雨慙都做箇魂消腸斷漸秋
聲吹入銀塘彩鴛驚散沉沉夜月隱隱紅樓畫簾正半卷
細憶起舊時珠幌往日羅衣綺陌垂西小庭深院飄零似此
家山何處黃昏瘦影依稀在更休看鏡裏芙蓉面相思千疊
空江萬里和烟帶露冷透釵鈿香車過也挽住吟魂有風
涼月案鎮幾度哀懷難訴說向誰家剩粉餘香墨痕點點年
時人倦三生恨杳征衫一櫂傷心淚柰春歸不得長相見游
絲裊嫋篝燈慘淡誰知夢中路遠

南浦

聞雁

征鴻嘹唳聽相呼暮靄九秋邊攪碎銀箏幽怨哀響落高天
萬里龍堆何處正蘆花漠漠夕陽寒怎西風不管飛霜做雨
憔悴舊關山休問天涯伴侶誤他時燕子送春還往事瀟
湘記否經歲復經年恨殺相思兩字待重來惆悵又依然念
殘鴛擁雪寄書人在泣荒烟

鳳樓梧

袖壓春風環壓霧釵玉聲中一片嬌鸞舞雙臉斷霞紅欲度
鴛鴦枕上屏山路好夢乍迷驚燕語小立花前記取香隨
步待得月來舉繡戶爲誰移過牆邊去

滿庭芳

送周筇雲出都

霧海塵消花宮月定愁雲點上明河驚殘小夢憔悴看星娥
到耳丁當碎玉認鈴聲風外經過重回首銀鑪報雪雪意爲
君多橫波容易識堂空紫燕草逐青羸任三千花界栽徧
圓荷礙向仙人招手問花房多少烟蘿相逢日還應道我惆
悵近如何

前調

寄題莊達甫先生攝山采藥第二圖

石母胎花松龍卧雪馬蹄踏處生香芝英羅列入手自芬芳
訝是都雲仙使馭豐隆種得成行誰相識青驄去後一度一
難忘江鄉烟水外游歷十里龍綠驕黃想青精白飯幾箇
曾嘗任說餐梨鳳閣笑李侯歸老何妨無人到山中日月經
李雨茫茫

前調題莊傳永印譜 壬戌

石鼓文殘云亭字滅洪鑪幻出青銅移金換玉瘦骨也玲瓏
何處春雲一朵花溪上細印芙蓉憑誰問中書漸老鐙火夜
簾櫳 遺蹤休更憶沈沙折角猶說英雄只瑤華無恙兩道
鈴紅鑄就長戈悽戟問將軍本是雕蟲翻然笑何應投筆爲
謝紫泥封

前調

夢江安甫

鷓鴣歌殘琵琶響斷三年一樣傷神不勝清夢夢裏更逢君
苦恨無情花柳江南路惹遍春痕東風外落紅如海何處與
招魂 重門簾幙靜還聽夜雨共把離尊甚閒愁千斛都隔
香塵凝想來時宮闕相將見細覓前因樓頭月筭教長好消

受幾黃昏

水龍吟

寒食

年年一度秋心今年移向東風裏雨絲侵曉雲光弄晚幾般
情味裊裊青衫亭亭玉骨便拚憔悴只江南小夢都隨流水
更不許愁人記誰賞鳳城寒食鎖香厨禁烟天氣踏青去
也青青何在玉人歸未竹葉初添金猊半冷昨宵沉醉算朝
來誤了花時又惹得雙雙淚

前調

清明

長安一樣清明更無人問花多少相思獨憶故園紅杏夢中
開到屈指春風等閒桃柳不如卿好把花期暗數謝時容易
又恨殺開時早是處吹寒送暖隔天涯幾重烟島低歌曼

舞嬌鶯弱絮爲春顛倒我有愁心寄將明月却隨芳艸怕雙
雙燕子歸來但怪得春人老

前調

瓶中桃花

嫣然笑入簾來不知春色誰高下西園折去南樓移到粉痕
初卸往日朱門俊遊何處曲池芳榭想玉顏無恙幾番臨鏡
空憶起春寒夜回首桃源舊夢爲仙郎不教花謝天台路
杳而今剩取一枝低亞好倩紅雲和將素月十分相射恐黃
昏冷到銀屏容易得看春罷

前調

門上柳枝

尋常巷陌人家東君不肯將春共荆扉密掩銅鑲半扣又過
春仲只有楊枝年時看取雨梳烟籠是何人知道傷春情緒

便折得和春送 張緒而今漸老想靈和夜深愁動橫波盼
斷依稀林下笛聲誰弄染遍青青雙袵淚汁儘教珍重要憑
他一縷柔腸喚醒了江南夢

齊天樂

燈花

花開花落無人記年華恁般輕過入夜垂葩當筵結蕊絕勝
鬢稍殘朶芳叢半禪正懶剔金羊困酣無那怕是匆匆小山
春去尙朝卧 歸期問郎何日只羅衾未冷長自愁坐燕語
初迷驚魂倦舞夢也不教重做斜痕又鎖向鏡裏迴看更憐
婀娜喜殺今宵怎還雙淚墮

前調

鏡屏

芙蓉十二江邊老秋江一痕寒透青入琉璃綠柳翠端正

欲窺簾繡未堪回首怕暗裏青銅鬢絲輕逗舞罷雙鸞誤伊
消息向紅袖離魂倩女何在想夜闌風雨和影都瘦華屋
歸來瞥見羅衣還記月臺攜手前身是否怪春過三分醉顏
如舊相對依依莫教闌折柳

前調

摺疊扇

羅裙日日憐芳草腰間褶痕寬盡竹冷江南銀銷河北蕩起
落紅千陣相思一寸記削就筠絲疊成箋粉不到春歸夜涼
玉骨也誰問芭蕉心緒未展只金泥小帖堪訴愁恨到耳
秋聲關情暮雨腸斷一年芳信風前細認更纖手慵拈袷衣
全褪描取花魂畫中應瘦損

前調

斑竹書架

齊物論新詩
春山一片玲瓏影招來滿身花雨亂拂苔痕斜侵荔葉攜出
楚天風露瀟湘此去認雲母堆牕珊瑚架樹一晌匆匆未曾
寄語樹遲暮江妃紅淚難浣只當年襟袖依約如故字裏
神仙書中青鳥到得蓬萊幾度斑斑看取又玉版橫箱冰紋
壓柱料得青寧那知心更苦

風流子

柳棉飛不住東風起春在白雲鄉更鳥去鳥來幾叢綠樹花
開花謝一帶紅墻江南路亂山迎落月流水送斜陽碧海無
踪絳霄何處鸞音偏杳鳳吹空長神仙情太苦向牟尼索
笑解悟心香只繡拈花素手不繡鴛鴦怎經年別後上階胡
蝶當門繭繭也是雙雙却爲無端憔悴惹得難忘

滿庭芳

減盡寒英。吹殘弱絮。幾處流水孤雲。乍來消瘦。料得也傷神。
底事青山無語。難相慰。腸斷黃昏。斜陽裏。雨蕭蕭下。不是一般春。
殷勤爲看取。傍人花朶。只共銷魂。儘倩遍天涯。怎賦啼痕。何日
死。央袖底。都拋却。別淚紛紛。江南客。杜鵑聲老。知得幾回聞。

八聲甘州

送劉芙初陸祁生歸里

問年來心事。苦低徊。不如水東流。聽紫簫聲斷。魂銷畫舫夢
逐紅騣。胡蝶飛飛千里。風卷綠蘿秋。認得江南路。怕說溫柔。
燕子歸期未卜。只塵鸞壓鏡。釵鳳當頭。摘櫻桃人遠。縹緲
玉山愁。恨茫茫。一簾明月。被海雲扶上。最高樓。空回首。萬花

藂外香冷銀簪

漢宮春

茗柯先生輓詞

三五年時向紫蘿深處小住荆關碧雲叢裏看盡花信番番
曾栽瑤艸一枝枝開遍空山憑誰問重來燕子偏經此度春
寒別樣玲瓏長記取親裁寶錦巧製花燐殷勤護教風雨
好駐春還春歸未久有殘紅飄墮人間生怕是臺荒逕老空
餘點點苔斑

風入松

感逝

碧林風樹夜爭鳴離緒最先驚分明付與人腸斷爲秋聲怕
聽春聲却是清商送我誰人解道愁生莫須收汝淚縱橫
餘恨更難平斷魂化作蛛絲去向簷前粘住紅英怎祝東風

一夜和他塵夢吹醒

四園竹

前題

游絲弱絮三月足輕狂簾前怨紫檻外愁紅也學春忙鷓鴣
鳴春緒冷留春一晌悔教深負年光鎖斜陽憑將一縷西
風消他幾寸迴腸怎奈新來夢短不似當時易說淒涼多少
事較往日相思恨轉長

高陽臺

前題

花裏端陽柳邊寒食兩年伴我天涯慘雨驚風無端夜颭靈
旗如何結就同功縷却輸他續命單絲更休題燭淚殘宵酒
釐征衣當年恨殺長安苦只經旬小別偏說相思誰道離
情一番春去纔知年時春好年時夢便而今不看花枝儘拚

將目斷烟沙腸斷參差

青門引

癸亥

里中作

一片黃昏影連理夢兒無定闌干曲曲逕斜斜輕雲薄霧都
入暮寒暝春痕淡淡春聲靜蝶夢來相並月明却到深院
花魂寂寂燕支冷

木蘭花

一秋涼夢催離別好與鴛鴦池畔說落紅愁對鏡中鸞拾翠
記分釵上蝶柳絲不作同心結風雨連宵都未歇玉階何
事最銷魂羅襪沉沉壓新月

金縷曲

借黃古愚遊虞山飲中賦贈

常熟作

極目層峰際倦登臨崔巍傑閣飲酣同倚灑遍神州多情

又到此山山底却不道英雄如是曲曲長川如帶在奈人生
半作東流水況又是斜陽裏與君拂拭空同氣擬相逢曉
霞初上浮雲四霽滄海未應愁日暮管取蛟龍不起但試引
玉杯須醉秋艸已肥邊馬壯爲將軍且說封侯事名山業吾
能理

翠樓吟

里中作

雲揜羅帷涼侵竹簟蕭疎井梧陰暮闌干空悵望被多少青
山遮住倦魂何處甚月不分明花難解語屏山路風香露屑
喚醒詩句攜到雙袖死央問幾時吹上淺陰深雨不勝秋
夢短況千里秋風無主年華記取算織恨千絲牽情一縷相
思侶閒階絡緯替儂吟苦

疏影

題劉簡田故山紅樹圖

甲子

揚州作

析城佳客算幾時載酒綠漲初撥試與披圖指點烟嵐依稀
遙認鄉國輕寒漠漠吳天晚帶一片太行山月恨昨宵艇子
湖頭夢裡未曾留得我亦天涯遊倦卜居便有約何事愁
絕憶殺看花問紫尋紅空牘滿林霜葉秋風自是憐儂甚怕
從此更無顏色待他年醉擁漁簑同探畫中消息

南浦

題錢獻之歸漁圖

江國夢初回過三秋雨雨風風都聽新月又如鈎簾波外只
有游絲無定霜簷裊裊羨他掠徧寒濤影何必貂裘工換酒
且伴綠囊閒喚長安曾理歸槎便垂竿好泛洞庭烟艇更
莫近蘆花花似雪捲起一天晴冷還牽病柳錦鱗殺滿蒲

縵回首亭邊看問字輸共白鷗眠醒

水龍吟題黃心菴來禽館填詞圖

柳棉榆莢紛紛綠絮不放幽香起銀牙綠筆低吟淺拍一殷
情思閒微細驚迴胡蝶夢醒花醉更深深院落都無人處
春只在濃陰裏回首林梢熟候值風庭那堪重記夜涼無
奈草心紅透月華成紫試璧鏡雙還調錦瑟淚如鉛水筆畫
梁雙燕歸來應識得相思字

木蘭花慢寒夜甚雨有作

如絲天上雨剪不斷做成愁漸滴碎霜鐘飄殘風杳點暗塵
簪銷魂那堪重記記連宵華月鎮當頭惟有軟紅簾子憐儂
日日凝眸花天絮海舊登樓餘恨倩誰收但粘著香泥飛

將不起一樣驚秋新來夢都無準
筭停辛佇苦幾時休好挽
流光住也付他醉裏清謳

八六子 寒衾

漏將沈羅衾自拂暗愁飛上雙襟
正宿雨簷前未斷驚風戶
外初侵那堪醉吟
玉鑪芳思難尋怕擁五更寒鐵
閉思百
疊明金想灑徧燕支去年紅淚模糊
印取暖香猶在耐他破
夢昏燈短短窺簾涼月深深說春心
春心漸灰到今

鳳簫吟 題樂蓮裳繡鳳圖

倚朱樓美人初見翠綳鳳羽低迷
一般能續命銀鍼絲綫長
記拂金衣如今樓便穩到他時更
怕雙飛渾忘卻簾兒下了
又下羅幃
深闌憑倦繡天吳刺罷顛倒花枝
幾番香夢裏

把冷紅寒碧都鑄相思新來魂易斷但休將比翼簫吹筭只
是雪情月性不分儂知

霜天曉角

湖上送別

顚顚西風更難尋斷紅尙有昏鴉一點須留着送歸鴻山
翠落孤篷湖光似酒濃莫問湖心深淺禁不起恨重重

菩薩蠻

前題

西風日日吹空樹一林霜葉渾無主山色接湖光離情自此
長離情隨綠草綠徧江南道他日望君來相思又綠苔
誰家玉勒玲瓏步驕行嘶過湖邊路簾外是天涯暗風吹白
沙天涯寒日短春隔梅花遠何處問佳期銀鑪烟縷微
空林入暮樓烏定月痕如水侵枝冷雪意爲君添階前祝玉

蟾玉蟾疑帶濕別淚何時歇持鏡作君心清愁相對深

壽樓春

題何夢華寄華樓圖

乙丑

杭州作

春風何時歸記尋香縹緲留夢依稀況是朝陰冉冉午晴遲
遲沉水燼雙烟微有燕兒簾前交飛又弱絮輕絲斜黏悄
珍重賦羅衣高樓迴層簷垂更山容細繞雲影低圍消受
明移星曆淡舒蛾眉教卷起鴛鴦幃怕隔將人閒芳菲問淺
紫深紅閒情幾多知不知

山花子

葉小鸞眉子研

新就繡環巧樣宜曾緘清恨寫清詞忽憶初三初四夜月痕
知銷脂香烟還拂几墮餘花雨漸盈池何事月兒圓不得
爲啼眉

好認餘香祝返生
斷魂寥落太無情
況是小樓簾不卷
過清明
照水尙繫前度翠
當窗空識舊時青
併作一番惆悵意

倚新聲

揚州慢

有贈

白雪連雲黃雲帶草
當年萬里秋心
揖青山歸去
寶馬共驕吟
問何事閒愁易長
一營畫角吹送離音
記烏孫宵獵頻番
沙月生陰
刀環曾賦訝新來
哀響都沉
但看劍挑鐙驚殘
壯志我更難
禁門外土花成碧
斜陽裏別樣春深
便天荒地老
消他恨到如今

金縷曲

題張晴崖聽香圖

細麝籠烟碧染霜
豪枕芸佳處
好披琅笈
十二龍賓堪作友

况有雲英侍側微搗起紅羅袖窄別樣幽情聽不見被香心
黏住如何識渾費盡春風力從我誓紀書生績說當年行
閒屬草墨花蕭瑟眉輕磨牙帳冷帳外玉驄驕立正千紙
龍蛇猶濕今日引杯還看劍想名姬駿馬須同癖無限意教
珍惜

洞仙歌

贈徐生

江山如此怪君還憔悴暢好風光伴幽思有新詞化作恨蝶
疑蜂都向我撩亂舊愁無際哀絲調豔曲消受當筵紅袖
殷勤搵濃淚底事暗銷魂楊柳湖頭征衫薄西風又起君且
向樽前莫沈吟是一樣羈人定來同醉

齊天樂

送人之處州

括蒼山裏孤城下，溶溶白雲如水磴。曲藏與苔深，飲屐有客
欲探山翠。西湖被袂正，柳外斜陽拂人殘。醉帳飲匆匆，蘭橈
相喚暮烟起。弓衣研篋無恙，等歸來遊倦一樣情味。莫笑
書生還攜霜鋏，擬向空同更倚。海天宵鬢見，風煖帆靑潮平。
月紫待斬長鯨，看魚龍穩睡。

長亭怨慢

新竹

和周保緒四首

蘇州作

看籬畔籜龍初嘯，嫩葉輕篋數枝偏早。拂石侵衣，花閒戍削
趁嬌小。靑靑如此，會比得苔痕好。柳絮莫飛來，還不解隨風
顛倒。難道新涼端正後，便是一林寒篠。牆頭倚久，第一怕
極天衰草。更休到翠袖偎時，禁受起西風殘照。怎祝與他年
容得鳳凰棲老。

疏影 風竹

深深庭院又涼颺乍起飄動簾幔困絮欺絲卷水流雲蕭蕭
響到叢箭簷簷萬箇風前舞怪掠削翹鬟低見更憐伊牆角
橫梢界破翠陰千片回首清明昨夜露華似細雨花外零
亂底事狂飈畧趁驕陽便已燕殘鶯嬾今朝修竹依然好看
滿地落英如霰慰中宵瘦影孤搖唯有月明遙伴

南浦 晴竹

樓角送微涼霽雲開滿徑琅玕堆積莫有舊游人林深處映
著朝霞須覓招來嵇阮爲君細數平生節嘆息幽尋渾未辦
只賸一叢寒碧無多華旭當空籠瑤枝又見晚煙浮白勁
葉亂敲風斜陽裏還共綠葵欹側葵心自好多情無奈長天

黑籠柳嬌桃從讓與日日弄晴南陌

高陽臺

雨竹

重壓青泥濕拖紅檐修簷不隔層陰記得年時香塵駢到而今湘妃夜挽春江水放如鉛淚雨成霖要消他一丈飛沙淨洗煙林北隣十里原頭草怕涼秋野火然到空心有淚難澆珊瑚碧海無音斑痕憶殺浪浪雨不忘他入骨恩深更難忘徑老蹊荒日炙風侵

江城子

丙寅 里中作

寒風相送出層城曉霜凝盡輪輕牆內烏啼牆外少人行折盡垂楊千萬縷留不住此時情紅橋獨上數春星月華生水天平鏡裏芙蓉應向臉邊明金雁一雙飛過也空目斷遠

山青

風入松

題畫

赤龍鱗甲動蒼煙人坐蔚藍天綠陰料理眠琴罷撫高松着
意盤桓爲有長風相答那消息管繁絃披裘人在白雲邊
分是憶成連爛柯山裏歸來早聽焦桐一晌忘言遮莫移詩
就夢問伊今日何年

相見歡

立秋

九江作

飄殘幾樹紅榴濕花眸誰道深深庭院不知秋金尊掩朱
顏歛怕登樓何日斜陽東去水西流

點絳脣

遙夜如年月明飛出瑠璃海美人何在夢裏花期改小別

匆匆萬頃秋生被西江水楚天應醉中有相思淚

虞美人

韶華爭肯假人住已是滔滔去西風無賴過江來歷盡千山
萬水幾時回秋聲帶葉蕭蕭落莫響城頭角浮雲遮月不
分明誰挽長江一洗放天青

惜紅衣

岸雨霏霏山風渺渺晚波吹碧十頃紅衣秋容漸狼籍弓彎
菡萏怕不共齊紉都擲江國燈燼夢殘有相思凝積珠鈿
繡鳥秘閣啼箏前遊付長憶無情潮水朝夕自南北贏得兩
眸清淚屈指一番春色聽謝娘門外終日馬嘶無力

解連環

夢魂漂泊隨江流不到舊家池閣看謝了千頃芙蓉過多少
歲華蜂狂蝶惡露滿中庭漸涼透繡簾羅幙只空階悵望小
徑女蘿裊裊枝弱秋蟲又鳴離角和丁冬玉漏都做離索
漫說三五年時有攜手心期訴與紅萼暗柳搖星但夜永天
風亂落空沈吟一輪璧月等閒拋卻

大酺

秋雨

正碧蕉長紅蓮老瀟灑宜聽秋韻山翳飛雨合看跳珠千斛
亂飄清冷暗送新涼全消殘暑衾薄惟愁更永滄江蒹葭裏
有南來塞雁夜寒聲警念湘浦霞旌漢皋瑤珮信音難準
西風哨夢醒記良會明月如圓鏡更不是而今拋卻下九初
三怕勾留去年離病苦恨斜陽短判隔了畫簾藻井怎雲掩

嬋娟也知甚時節還又陰晴無定對牀一燈弄影

南歌子

新霽

短港三篙水適天百尺虹夕陽吹墮一江紅幾許燕支濃淚
與君同暗葦啼秋雁寒階泣夜蛩輕雲亂卷四山風不管
多情皓月在當中

浪淘沙慢

江樓晚望

晚霞落天垂近野岸隱高浪江浦危樓十丈登臨倦眼試放
記水面琵琶留怨唱鎖烟柳盡舸誰蕩沉鐵甲瑤戈舊吳楚
遺踪難再訪無恙六朝景色蒼莽但北指千山橫雲處萬
點寒樹縹緲土暈苔花秋滿平壤待休極望還不堪禁受清
宵惆悵蕭瑟西風搖虛幌初殘月紙窗半上怒濤起翻空

聲正壯又城堞鼓角迢遙侵客枕三更白髮星星長

綠意

題僧爛本小綠天菴圖

丁卯

乍舒還卷看翠陰十畝簾外鋪遍錄畫敲詩月地雲天拈豪
僧在春院無多一霎閒風雨便葉葉龍蛇都滿憶舊時手種
千株是否後身今見惆悵江南居士誅茅渾未辦早是遊
倦青鬢蕭疎留到霜痕那記年華輕換琵琶絃上聽淒唱怕
不似蕉心宛轉儘輸他草聖書顛慢把綠雲斜展

六州歌頭

平山堂送貴仲符北行用宋韓元咎韻

揚州作

蕪城帳飲離思滿霜枝秋色膩人扶醉啓晴扉送行時綠漲
平橋面蘼蕪岸隨堤半征衫暖牙檣轉路東西無奈蘭舟那
更垂楊下寶馬驚嘶對山眉開笑口棹撥寒脂陌上休窺怕

依依舊遊賞處樓
縈霧霞隨步漏聲遲
豪彩損嘗筵問月
華知蠟珠垂多少
蓬瀛事如煙散逐雲飛
人未老秋還好望
佳期且住驪歌痛飲
西風裏不須悲只丹楓影外清唱渺邈
溪此會應追

揚州慢

題周崑生印譜

紅葉飄殘紫騮嘶斷
西風夜雨蕪城對蘆簾短短
檠火一痕
青問誰向霜期報
後唾花飛處壺玉齊傾
有周郎未老高吟
不許愁生
銀繩妙體訝披圖
鳥字分明是琢就
蛟螭盤將
劍戟金石前盟印到斜封
三道渾消受
茗椀縱橫算詩囊影
裏年年伴得孤征

百字令

題阮梅叔珠湖漁隱圖 戊辰

釣絲裊裊正珠湖春半扁舟解艤別是神仙棲隱處指點烟
波影裏月浪搖天雲鱗拂水空碧來千里綠簑青笠更饒一
片寒翠只傍有意鴛鴦無心鷗鷺好夢何曾記隄上新楊
都萬縷不許閒愁輕繫試把虹竿還探鯨海共買昇平醉驪
龍眠穩遲君良夜中起

洞仙歌

焦里堂得石名之曰勁雪爲圖索題

雲房月砌伴詩懷幽獨砌下稜稜一株玉是何時吹上古雪
紛紛摩挲處到手真珠難掬中宵風露冷姑射仙人應是
冰肌起寒聚化石意如何似海年光東風外亂紅搖目看取
次飛花委香泥便開遍千春比儂匆促

憶舊遊

暮春感懷

記衫痕暈酒燈影穿簾花氣侵門眉月同看夜笑畫蛾深淺
鏡裏愁春春風亂拂人面醉醒兩傷神但夢雨蕭蕭覺來依
舊桂魄如銀殷勤寄消息有漢苑星霜京洛風塵幾許悲
歡事便天涯一樣難共酸辛斷腸古陌芳草千里盡如茵又
廿四橋邊楊花似雪迷畫輪

金縷曲

雪齋夜寒挑燈感賦

己巳

歸德作

好夢隨流水映殘燈軟紅簾外雪天初霽底事眉痕開又鎖
試道衫痕濕未還只恐啼痕暗漬三五華年三五月恨花時
容易花前醉都負卻纏綿意玉簫按罷涼生指擁寒衾等
消計息梅花迢遞圓缺陰晴渾見慣那抵人間離思算付與
清宵無寐陶令閒情還賦否憶春風苦費相思淚況省到華

胥事

蝶戀花

記夢

六曲屏山愁倚徧。碧海歸來，不分紅塵見。鬢雨釵風還撲面。
兩眉那記痕深淺。笑整羅衣橫寶鈿。籠到齊紈，乍憶圓圓。
扇忽訝一身花影滿。車輪自此禁千轉。

明月簾櫳垂夜永。雪後花前，瘦盡春風影。說與神方煩記省。
愁人怕是還兼病。雨透芙蓉霜透鏡。紅袖扶來，慙亂鮫珠。
冷細語喚春春未醒。一叢涼葉敲金井。

山翠模糊融睡雪。未忍多看，那更分明別。滿眼柔情攜手說。
花間苦認纖纖月。鈿閣沈沈蚪水咽。綠縷紅芽，幾度芳菲。
節枝上暖風吹露屑。嬌慵不解丁香結。

金縷曲

題天女散花圖

庚午

京師作

歷亂閒花片是誰能尊前扶定寶釵風軟一霎春波三月雨
瘦了畫樓人面有礙馬情絲宛轉空外明霞飄不墮只天光
海色搖銀扇羨殺是玉皇案香雲拂處鴉雲顚鬪雙紅分
明記取暈潮深淺多病維摩拈得否笑口欲開還嬾休悵望
清霄路遠小夢遊仙除結習怕瓊簫譜入天涯怨會此意圖
初展

綠意

題清樽翠袖圖

碧泓如玉向花前化作雙剪秋淥瑤珮聲微特地風來幽香
暗送醺醺荷心坼盡蕉心卷剛買得珍珠一掬問綠楊何事
撩人爲有情絲牽觸倚遍芳園修竹憑畫取不畫鴛鴦獨

宿喜字書空濃笑相看可比鏡中嬌目重來儘有韋郎約應
絕勝臂環緣續念堦前積翠深深立損砑羅裙幅

摸魚兒

題袁蘭邨倉山月話圖

辛未

武陟作

儘依依入簾螺翠六朝烟景非故多情最是當頭月偏會照
人情語君莫誤道萬里嬋娟圓缺渾難數幽懷誰訴有娥影
隨身青嵐一角已化夢遊句西州豈何況謝公吟處名山
今付君主平泉樹石都無恙零落酒龍詩虎君記取只布韞
青鞋占斷江天古他年能石對涼玉侵肌舊歡重續添我畫
中佳

浣溪紗

壬申

秋雨秋風日日陰風吹不冷是芳心欲譜滋味向瑤琴料

得有誰憐宋玉當時一顧已知音早判腸斷到而今

蠟淚尊前惜鬢鴉蟲聲離角訴年華秋深庭戶掩重紗一

夜蝶魂驚不定曉來何苦又看花飄裊落溷兩堪嗟

齊天樂

題袁蘭邨續倉山月話圖

癸酉

佳辰自古稱難再多君舊遊仍續暢好家山六朝天淨消受

滿園穠綠漫憐幽獨有勝友重來變春初熟無限勾留尊前

頻剪夜遊燭

清歡況偕仙侶說嬋娟無恙倚遍修竹誰道

天涯秋人有箇同看一規涼玉喜聯芳躅又雲散星沉別懷

偏促他日遲君共尋霜後菊

前調

題王淺江閒看兒童提柳花圖

東風那管行人恨吹來徧身晴雪畫舸迷雲香車碾玉長記

踏青時節舊情淒絕甚到眼天涯又成輕別描取狂蹤肯教
容易趁啼鳩王喬仙路非遠也暗嗟漂泊愁緒頻說入水
還生沾泥不起幾度看他親切兒童漫擷者捲地堯羅滿懷
騷屑我更魂消曲中枝怕折

踏莎行

題王葦江種紙圖

碧洗階除涼侵枕簟綠陰陰處秋雲掩墨池漲滿起龍蛇蕉
心不比秋心斂漏脚釵痕長刀快劍書顛消得書仙艷洛
陽新價未曾知憑教鳳尾殷勤染

憶舊遊

題清風驛壁

入都作

憶繁華茂草金粉秦淮歌吹揚州歷亂江南夢被年來做盡
夢都休狂踪十載燕市誰共看吳鉤歎多病文園遊梁倦

也漫續前遊 扁舟五湖去趁早換荷衫已是殘秋那更緇
塵滿筭酒痕襟底空證離愁舊時夾道疎翠今日萬株稠者
顚頓天涯西風但解催白頭

臨江仙

題富莊驛壁用壁間元韻

出都作

夾路平林涼似水秋情一片中央半程疎雨共斜陽馬頭青
到眼齊魯暮山蒼 回首豐臺花下醉匆匆更憶游梁離懷
還比客途長五更殘夢醒愁緒起茫茫

更漏子

題仕女圖

丙子

南昌作

燕釵風蟬鬢雨簾卷倚樓人去羅帳曉繡屏空畫中如鏡中
鏡中面修眉見如月莫如紈扇情了了夢悠悠春痕滿地
愁

惜紅衣

吳伶何桂畫秋海棠

丁丑

濟寧作

明月前生不圖金粟却圖紅粉可惜名園秋來惹儂恨綠蕪
荒蕪要添上兩行鞋印誰認姑射化身儘誇他風韻尋歡
對酒腸斷芳姿判教翠尊盡嬌紅過雨雙臉淺霞暈應是怕
拋珠淚悄向牆陰低搵便移將春苑肯共萬花爭信

醜奴兒慢

何桂畫芍藥

是耶非也一鏡曉粧紅透乍向那水精簾下剪破新秋多謝
花奴替儂描取舊揚州無端逗起十年塵夢却上心頭二
十四橋杜郎俊賞三五佳遊撚金帶單衫笑比別樣風流幾
度看花春風綠葉賸清謳如今又對一枝情影黯黯生愁

金縷曲

韓蓄畫戲嬰仕女

噓噓顰聲溜正銷魂珠迴玉轉繞梁時候誰把丹青傳絲筆
綽約美人圖就想心底玲瓏似藕一朶芙蓉初拂水況十三
年紀吟紅豆令滿座低徊久沈香端爲悲秋瘦但清愁連
環不斷暫無還又說到天涯淪落感展卷欲添僂僂長願得
千杯在手卿是雛齡儂漸老只箇中天地能相守酒醒後都
烏有

滿院芭蕉吐晚天遙水風吹散半林殘暑照我一奩紅袖影
惹起懊儂情緒空回首浣紗前度綠葉成陰芳意歇認桃花
噴面君應誤緘宿恨那堪訴珠櫳綺閣深深護記當年露
臺春曉帳嚮初舞淺碧烟鬟籠睡玉早被買脂人妒還未濕
踏青金縷今日秋娘悲老大浣香塵可惜凌波步思往事淚

如雨

憶舊遊

寄題落花人獨立微雨燕雙飛卷子

悵韶華逝水萬點胭脂零亂成堆花面非人面早芹泥送冷
獨下空階燕兒似惜花落雙影尙徘徊又暗雨如絲和愁織
偏淒絕池臺蕭齋怨離阻盼舊侶歸時與訴春懷淚眼無
晴日有當年笑口知爲誰開買歡剩買腸斷從此怕銜杯等
好夢偏遙東風慣帶幽恨來

望海潮

送春

戊寅

京師作

柔枝低亞穠妝掩映東風作意翻新千里月圓三生夢好不
知元是花身寶篆正氤氲有香心一縷相對消魂柳顰桃肥
暗將芳思逐輕塵迢迢遠水層雲想紅俚別騎碧帶征輪

梅雨困鶯芹泥滯燕淚花空染羅巾誰共倒清尊只幾番花
謝老了春人怕是明年又飄殘粉照啼痕

燭影搖紅

憶春

何處雲車暗分春色來仙島滿天絲雨不聞聲儘爲春顛倒
佳約笙歌散早叩花情除花知道珠簾半捲燕剪拋時空階
自掃 着意尋芳而今只見離離草名花端合喚無雙腸斷
花期杳欄外海棠紅小乍驚秋又傷懷抱不如飛絮亂點征
衫也知春好

疏影

月歲時東坡三部樂首句作起

己卯

開封作

美人如月怎不如人意圓了還缺缺了還生未到重圓依依
蟾影初活去來天上歸何處也不與倚樓人說枉教他夜夜

相望愁殺鬢絲成雪。鎮日癡雲行倦，露華早淨，洗玉宇瓊闕。待過團欒，能幾中宵，又是下弦時節。年年十二番頻換，多少淒涼炎熱，可憐伊長自西飛，不駐流光一瞥。

更漏子

題畫

孟縣作

鬢堆雅肌，勝雪見了，那教輕別人。自遠豆猶紅，相思同不同。相思意還相似，只畫一邊憔悴。簾內影鏡中，姿斷腸知不知。

摸魚兒

秋薄

京師作

但茫茫一天涼意，望來江上初暝。浦南畫槳斜分處，中有白鷗眠醒。秋水靜，比嫩綠池塘約畧添淒景。曲欄閒凭，又誰向枝頭殷勤，細覓吹墮舊時影。滄波老剩有，鯉魚風冷，飄涼。

漫指蓬梗相看等是無根活絮果本來難定還記省道改盡
秋顏未改纏綿性不堪臨鏡忍觸起當年鬢絲風裡歷亂糝
青徑

最難忘飄棉時節萬花齊落如霰相思一夜隨流水剪了又
還難斷波力軟流不盡人間花命三分短嬌紅零亂併化作
青青一池碎影細逐曉風展 耶溪路十里荷衣香滿亭亭
翠袖扶遍芳心欲抱芙蓉死怕惹惜花人見春夢遠又不道
秋來慣觀閒花片洞庭烟晚莫喚起魚龍做他風雨吹徹楚
天怨

八聲甘州

題胡韞山援琴佇涼月圖

聽天邊爽簫發金商萬山響西風是離亭墜葉空階疎杵送

了殘紅獨有悵悵綠綺彈取和清鐘領畧深宵意冷月當中
端正眉痕才畫早團圓鏡影照別匆匆想人間天上悲喜
定難同怕癡雲留連不去又吹將白雪滿天封贏得聲聲哀
怨訴與征鴻

三姝媚

感興寄方彥聞

庚辰

安慶作

桃枝嬌映面是朱扉初開窺來曾見細路重尋訝相逢不似
暈潮痕淺十日輕陰才釀出雨晴烟暖已過清明更有誰知
護花風軟學繡東鄰女伴早巧笑招迎綠窻春蔭幾度慙
伊對燭拋紅淚柳凝青眼看到鴛鴦還記否寒闌鍼綫怪底
山六曲渾如天遠

探春慢

楊花

吐絮團雲飄棉屑玉一樣枝頭開謝倚戶含情因風寄想襟
上淚痕誰惹歎無人收拾等燕子啣歸春社怎知不做花看
看時春已闌也 便把紅塵淡了悵夢裏池萍忍教輕化誤
殺春三浮朱浪碧恨少明波同瀉耐得兒童戲渾不入深深
簾罅壁月來遲空庭自消清夜

蘭陵王

江行

水聲咽中夜蘭橈暗發殘春在催暖送晴九十韶光去偏急
垂楊手漫折難結輕帆一葉離亭遠歸路漸迷千里滄波楚
天濶 餘寒乍消歇臘霧鎖花魂風砭詩骨茫茫江草連雲
濕悵綠樹驚老碧欄蜂瘦空留檣燕似訴別向人共愁絕
重疊浪堆雪坐縹緲浮槎烟外飛越銜山一寸眉彎月照枉

渚疑鏡亂峯如髮扁舟獨自記舊夢忍細說

祭天神

雨夜泊荻港

向舊曾經地扁舟住聽江干疊鼓悲笳傳夜雨幢幢一炷殘
膏相對憐孤旅寫荒寒萬里長天迷雲樹念遠道分吳楚
故園柳飄盡春城絮傷離早佳約晚蕭瑟江關句想滄波又
添新水日夜東流冉冉征途那不成衰暮

鶯啼序

對雨

牆罨碧蘿鋪繡似蒼崖半蟲共暮靄一色陰陰化作空際高
絲和不斷瓶笙入夢簷前簌簌鳴飛瀑正無慘枕簟閒欹衣
帶慵束整理佳遊解珮換酒瀉清愁萬斛怎到耳無限瀟
瀟筠籠久閉春服便麻他酡顏一笑已消受別眉雙蹙比前

番聽雨孤郵客懷漸熟
滔滔孟夏黯黯餘春登臨阻送目
但門外鴨頭新漲添了三篙織遍溟濛烟絲霧縠短亭五里
長亭十里青山夾岸人天上過歸航葉葉風颿速天涯尺素
錦鱗容易商量寄與細寫幽獨
相思俊侶舊約看花趁芳
郊晴旭鎖深院莓苔行跡一一將平遠夢模糊懽期未卜修
篁好在當年倚處鉛霜淨洗千竿翠想天寒尙有人如玉淒
涼情緒只應疊與伊看淋浪滿幅